



## Վանո Սիրադեղյան

### Նախընտրական «նանարներ»՝ Քոչարյանի համար

Մարդկային այն խտրության, որով շրջապատել է իրեն Քոչարյանը, այդ դասը մի սովորություն ունի՝ ծննդյան օրը կամ գործ կայցնելու առթիվ, կամ պարզապես կիրակի օրով աղջիկ մատուցել «մեծ ախպորը»՝ իբրև առանձնահատուկ տղամարդկային մտերմության նշան: Թանկանոց՝ անշուշտ: Ձեռքի տակ եղածի լավը: Իսկ երբ երկրի ներսում սպառված է լավը, բերում են դրսից: Իբր՝ պարելու են եկել, իբր՝ երգելու են եկել, իբր՝ ընդհանրապես, մասածի քուրմ են . այսինքն, մարմնից բացի գործ ունեն նաև տղամարդու հոգու հետ: Եթե «մեծ ախպերը» շատ վախենալու չէ կամ առանձնապես բժախնդիր չէ մաքրակենցաղության հարցում, մատուցում են «ընկերական ստուգելուց» հետո: Գիտեն, որ շեֆը ծայրահեղ դեպքում քնքշորեն մատ թափ կտա ու կհրաժարվի նվերից: Այդքան բան:

Սուբորդինացիոն արգելքները չեն աշխատում, եթե «ազգի համար» ենք անում: Նանարներին ավանդաբար բերում են Մոսկվայից: Իսկ ինչ վերաբերվում է քաղաքական դախալեքին, դրանք ներմուծվում են հիմնականում Լոսից: Լոսից, Գլենդեյլից, Փարիզից:

Բերվում են ամռանն ու աշնանը, որ համ «աշխատեն», համ էժան ծիրան ու խաղող ուտեն՝ ձմեռնամտին Արեւմուտքի ձմեռանոցները վերադառնալուց առաջ: Բայց նախընտրական տարին առանձնահատուկ տարի է, խախտվել է կյանքի ռիթմը, եւ վաղ աշնանից սկսվել է քաղաքական պուտանկեքի զանգվածային «հայրենադարձությունը» Լոսից-մոսից: Չի կարելի ասել, թե լրբերի հայաստանյան պաշարները սպառվել են նախկին գնդապետների, նախկին

քարտուղարուհիների՝ հիմա խմբագիրների, նախկին պահեստապետների՝ հիմա մինիստրների, ԺԴԿ-ԽՎԶ, ՃՎԶ-ՊՊԶ տիպի կուսակցությունների պետերի պակասություն ամենեւին չկա, բայց դրանց էֆեկտը այն չէ, որովհետեւ գործածված են արդեն զգվելու աստիճան:

Համ էլ, սրանք կան ու կան եւ արդեն ծախս էլ չեն պահանջում: Նաեւ ժամանակն է նախընտրական, եւ նոր կադրեր են պետք, որ լինեն եթե ոչ երկրորդ թարմության (թեւեւ դախապի թարմը ո՞րն է), բայց չլինեն նաեւ պետականամետ մասնույում ամենօրյա գործածության «պերերիվի պուտանկերի» նման մանեթանոց: Այս սեզոնի առանձնահատկությունն այն է, որ լրբերը աննախադեպ գրգռված ու կատաղած են եկել Հայաստան: Բանն այն է, որ թե՛ ժամանակն է նախընտրական եւ թե՛ այս ձմեռը նրանք ստիպված անց են կացնելու հայրենիքում: Այս ձմեռ նրանց դրսում կեր ու ծածկ տվող չի լինելու: Քաղաքական լրբերի կոլեկտիվ սուտենյորի դերը վերջին տասը տարիներին ստանձնել են երկու «ազգային կուսակցություններ»: Առանձնապես կեղեքիչ չէ նրանց շահագործումը:

«Հայ դատը հետապնդելու համար» հանգանակած փողերով վիզան առնում են, տարվա կեսը պահում են Հայաստանից տարագրվածների տներում, տարին մի «կասսյում-շավար» են առնում, ձմեռը փրկում են Հայաստանի ժողովրդին վիճակված սառնաշունչ ձմեռից եւ փոխարենը ընդամենը մեկ-երկու բան են ուզում՝ ամիսը մեկ հողված ՀՀԾ-ի դեմ, ամիսը երկու ելույթ գաղութի խուժան ալիքով՝ դարձյալ նախկին իշխանության դեմ եւ չորս-հինգ տարին մեկ անգամ էլ, որ խմբակային պառկեն Քոչարյանի տակ: Այսքան բան: Մեծ ծախս չէ Սփյուռքի համար: Ո՞վ է ասում, որ Սփյուռքի ֆինանսական ռեսուրսները չեն ծառայում Հայրենիքին: Լոսում մարդիկ իրենց տանը հացի են նստում, մի աման ճաշ էլ ավել են եփում «ազգի մտավորականի համար»:

Ամիսը մեկ կինո են գնում, մեկ տոնս ավել են առնում, մայրվկի են դուրս գալիս, ամերիկյան լենուբոլ ավտոյում տեղ ճարվում է: Փոքր էլ լինի ավտոն, հո չի՞ տրտնջալու «մեծապատիվ հյուրը»՝ ձրիակերի բողոքը ո՞րն է: Տանիքը կա, լվացքի փողը վճարում են, հեռախոսից սահմանափակ, բայց օգտվում է, լույսի փող չի մուծում հայաստանցիների նման, ռոճիկի չի սպասում անհույս: Բան է, թե

հաշոդեց վերջում մի ոսկե ապարանջան, մի «ցեփ» թոցնել տանտիրուհու գգրոցից, հավելյալ քյար է: Կստացվի՝ կստացվի, չի ստացվի՝ Ազգիս մտավորականը ե՞րբ տակ չի տվել, գրողը տանի:

Մի խոսքով, սուտենյորի պայմանները անկատարելի չեն: Սեզոնին չորս-հինգ հոդված կուսակցական պատի թերթում, ութ-տասը ելույթ խուժան ալիքով՝ կախված է, իհարկե, Սովետական Հայաստանում ունեցածդ սոցիալական ստատուսից: Եթե ակադեմիկոս ես, եթե դոկտոր ես կամ վեց գիրք ես տպել ժամանակին, եթե Լենինյան մրցանակ ունես . մի խոսքով, ելույթների ու հոդվածների քանակը, եթե ալարում ես, կարող ես կրճատել, բայց մեկ պայմանով, որ մյուս կեսը իրագործում ես՝ բերանդ առավելագույնս ճոռթած: Այսինքն, վճարողին պիտի վարձահատույց լինել առավելապես արհեստավարժորեն, պարտաճանաչ ու ջանադիր, ինչպես գրին-քարտ չունեցող չարքաշ բոզը:

Դ-ա էլ, անշուշտ, մի կյանք չէ, բայց Հայաստանում ձմեռը անցկացնելուց, ինչ խոսք, որ լավ է: Ձեռի հետ էլ «գբադվում ես մասնագիտությամբ», մի երկու բերան երգում ես «Ադանայի ողբը»՝ շալախոյի հանգով, նարդու երկու երեսի չափով ոտանավոր ես տպում արեւմտահայ ուղղագրությամբ, պիես ես գրում ինքնագործ թատրոնի համար, նկարում ես խանութպանի կնոջը, ընդամենը ներկի փողն է տալիս, բայց նաեւ թույլ է տալիս, որ հայերի շրջանում ասես, որ նկարը առել է քսան հազարով . ոնց որ ջահել օրերի Սովետում ապրես: Հացը, լույսը, պլյուս՝ բանանը՝ կա, կաստյում-շավարը՝ ինքնարժեքով՝ կա, թշնամի կուսակցության դեմ գրելու (սովետի ժամանակ՝ Դ-աշնակցության դեմ) պահանջարկը՝ կա, դեկավար կուսակցությունը (հիմա՝ Դ-աշնակցություն) կա, ուրիշ ի՞նչ է պետք ապուշի երջանկության համար:

Նախընտրական գրողնի սեզոնը (ինչպես բուն լրբերի համար՝ ամառը) պատասխանատու լինելուց բացի, ներվային է լինելու, որովհետեւ մրցակցությունն է դաժանանում: Ինչպես ամռան արձակուրդի օրերին սանձարձակված «նամուսով» կանայք են խփում պուտանկեքի գործին եւ գինը «քցում», այդպես էլ նախընտրական վայրահաշության ասպարեզը պարզապես պայթում է դեշովկեքի առատությունից: Մուֆտա կամ էժանով առնվողների այդ

գրոհի պայմաններում պիտի լինել առավելապես հնարամիտ եւ աշխատել  
գոքաշ: Աշխատել քանակի վրա, որովհետեւ խոսքի-բերանի գինը ընկած է  
լինելու: Բայց ամենավիրավորականն այն է, որ այս ձևեր իրենք հայրենիքում են  
մնալու: